

Radunanza extraordinaria dals 12 mai 2015 a las 20.00 i'l restorant Alvetern ad Ardez

1. Il president, Daniel Franziscus, po salüdar a 19 preschaints, 5 s'han s-chüsats. El fa la proposta da müdar las tractandas e da tour sco prüm la tractanda commembers nouvs. Madlaina Clagluna vegn acceptada unanimamaing sco nouva commembra da nossa società.
2. Men Franziscus e Reto Barbüda vegnan elets sco scrutinadurs.
3. Il protocol da la radunanza extraordinaria dal 2014 vain prelet ed aprovà da la radunanza.
4. Daniel Franziscus chid es eir commember da la cumischiun dapunctaziun da cornas as s-chüsa per sbagls capittats pro la punctaziun. Pro'ls boes da chavriöl haja dat cha quels vaivan tuots raduond 30 puncts massa bler pervi chi's vaiva paisà suotsura. Sbagls haja dat eir pro ün boc da capricorn e sco chi vain rapportà da plüs commembers haja dat eir sbagls pro'ls chamuotschs. La suprastanza propuonna da cuntinuar cun la punctaziun cun seguiantas müdadas:
 - I. Las gravuras vegnan fattas pür cur cha'l temp da recuors es scordà.
 - II. Almain ün guargiachatscha es pro la punctaziun.I segua üna viva discussiun. La s-chüsa vain acceptada. Sbagls possan capittar, pero nu stessan capittar. Chi saja eir curius cha malgrà quista tractanda in l'invid sajan be duos da la cummischiun preschaints, ün s'haja s-chüsà ed il reist? Perquai vain uossa vuschà chi chi sustegna la proposta da la spurastanza manzunada survart. 17 cunter 2 vuschs sustegnan la proposta. Implü vain vuschà schi dovra üna cumischiun da punctaziun nouva o na. La radunanaz es da l'avis cha'ls actuals dessian restar inavant.
5. Pertocond l'implant da tir Urezzas infuormescha Marcus Bonorand chi spettan investiziuns da raduond 200'000 francs. Per la part da l'implant chi pertocca ils chatschaders as faja quint cun cuosts da fin 60'000 francs. Emil Kuen e Peider Clagluna han fat il cuors da capotregant. I vain declerà l'andamaint per far la cumprouva da trar. Davart da Peider vegna fat attent chi pudess dar cha prossems ons as pudaraja trar fingià in avrigl e mai. Tenor Gian Luca Strimer nu basta pe'l tir intern be ün mez di sco planisà quist on. Il probelm saja pero cha la partecipaziun saja fich mediocra e cha la suprastanza stopcha star tuotta di là per quels per chi vegnan. Quai saja bod exagerà e demotivond. Simil saja quai eir pro la lavur da chüra. La partecipaziun saja catastrofala. Heinz Strimer disch chi saja il problem chi nu detta n'ingün oblig d'esser in üna società ne da far lavur da chüra. Marcel Franziscus declera ch'ün oblig füss sgüra alch bun pero cha per quai dovressa ün ledscha. La mancanza d'interess e d'ingaschamiant saja ün problem genera in nossa società e na specific da nossa società da chatschaders. Reto Barbüda declera co cha quai vegn reglà pro outras societats. I's haja per exaimpel üna cuntribuziun fich auta da 600 francs e per mincha di da lavur prestada gnian trats giò 50 francs. Pertocond il tir intern decida la radunanza da far quel quist on be davomezdi.
6. Las propostas da la suprastanza schlargiada a man da la delegiada a Bravuogn
 - la radunanza es pro'l punct 9.1 per la varianta ün
 - La radunanza es pro'l punct 9.2 per ün na, voul dir cha'l telefonin nu dessa gnir dat liber dal tuotafat d'ürant la chatscha.

- La dumonda 9.3, üna gazettina da chatschaders plü gornda, vegn beneventada la la radunanza.
 - la radunanaza sustegna eir il punct 6.
 - Ils ulteruns puncts vegnan approvats da la radunanaza.
7. Sco delegiats per la delegiada dals 16 mai a Bravuogn as mettan a disposiziun Beat Pfranger chi rimplazza a Daniel Franziscus ed Armon Schlegel.
 8. Program da l'on: Mario Hässig quinta cha'l di da lavur planisà per sonda passada s'haja stuvü sdir giò our da mancanza d'interess. Als 23 da mai es previs ün di da lavur cumüna. Sonda als 27 da gün ed als 25 la lügl saja lavur da chüra.
 9. Emil Kuen preschainta cuort las cifras da la taxaziun actuala e da la chatscha passada. La Taxaziun sco eir la chatscha sajan i'ls roms dals ultims ons. Ün svilup allegraivel haja dat pro l'obantüm in nossa regiun. Eir ils indrizs cun folias blauas per evitar accidaints da trafic cun la sulvaschina hajan gnü ün effet positiv.
 10. Suot varia nu daja ingüns votums.

Il president serra la radunanza a las 22.34

L'actuar: Armon Schlegel